

Inatsisartut suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara:

Naalackersuisunut apeqqut:

- 1. BSU kap.II aqutigalugu illoqarneq ukiorpassuarnilu illu akilersoreerlugu utoqqangornermi allamut nuuttariaqalernermi sooruna illu akilersuinerlu kinguaanut nangiinnartussangorlugit ingerlateqqiinnarneqarsinnaasangitsut ?**
- 2. BSU kap. II, imaluunniit Sanaqateqarluni illuutitaarisimasat aammalu piginneqatigiinnikkut illo-risat utoqqalinerlu pissutaalluni allamut nuuttariaqalersimalluni akilersuineq kinguaanut naginne-qaannartussangorlugi tunniunneqarsinnaanera kingornutassangortinneqarsinnaaneralu Naalackersuisut misissorusinnaavaat?**
- 3. Nammineerluni Aningaaserivik taarsigassarsititsiviilluunniit allat aqutigalugit illutaarsimagaan-ni utoqqalinermi akiliisinnaassuseerutipajaarnermi arsaaginnarneqarsinnaanerop killiliivigineqar-sinnaanera Naalackersuisut suliarisinnaanerpaat?**
- 4. Nammineq pigiligassatut illutaarsimatilluni ukiorpassuarnilu pigileriartuaarlugu akilersuisimallu-ni, ajoraluartumillu nappaassuarmik eqqorneqarluni pilersuisinnaaneq killeqalerluni, suliffeerun-nikkut pilersueqatigisalluunniit toqukkut qimagunneratigut inigisamik annasaqartarnerit pinngit-toorniarlugit Naalackersuisut suliniuteqarniarnerlutik?**

(Inatsisartuni ilaasortaq Jess Svane, Siumut)

Tungavilersuut:

Naalackersuisnikkut tungaviusumik anguniarneqartut pingaarnerpaat ilangaat nammineerluni illoqalernissaq aammalu kikkulluunniit inoqarfimmi najugarerusutaminni najugaqaannarsinnaanissaannik qulakkeerinninniarnissaq.

Ullumikkut ajoraluartumik kinguaajusut periarfissaqangillat illumik kingornussiinnarsinnaanermut pisortat annerusumik minnerusumilluunniit illungisamut tapiisimappata atukkiisimappataluunniit. Akilersugassat nangiinnarlugit najugarilersinnaanissaa periarfissaqangimmat.

Ajoraluartumik ukiut 40-rut angullugit najugarisimagaluarukkuluunniit tapiiffigineqartumik illoralugu utoqqalinerlu pissutigalugu allamut nuuttariaqarlunga "Pisortanit" tinguneqassooq



akittorterullugulu tuniniarneqarluni. Naak kinguaajusut najugariinnarsinnaagaluaaraat illoqarfigisaminnillu najuiinnarlutik.

Aammattaaq taamaappoq aningaaseriviit attartortitsiviit aqputigalugit nammineerluni illoqarsimagaanni utoqqalinerlu pissutigalugu akilersuisinnaassuseerukkaanni anisiinnarneqarnermik kinguneqartarluni. Naak inuunerup annersaani pilersikkusutat pingaarnersaattut taaneqarsinnaasumik pilersitsisimagaluarluni, tassalu nammineq illoqalersimalluni.

Peqqilluni pilersikkusussimasaq piginneqatigiilluni inigisaq pisortat akileeqataaffigisaanni napparsimalernej pilersueqatigisarlunniit nappaassuarmik eqqorneqarluni toqukkut qimaguppat najugarerusutaq ajoraluartumik aamma najuinnarneqarsinnaajunnaartarpoq. Tassunga killinneq imaannaasanngitsoq ajoraluartumik aamma atuuppoq.

Kissaatigaara apeqquteqaatiga ullut suliffiusut 10 ingerlanerani akineqassasoq.